


探
乙巳春
占歷
(一)記



探春歷記

東方朔著

本館據夷門廣牘
本排印初編各叢
書僅有此本

探春歷記

漢 東方朔著

甲子日立春。高田豐稔。水懸岸一尺。

春雨如錢。夏雨調勻。秋雨連綿。冬雨高懸。

丙子日立春。高鄉豐稔。水過岸一尺。

春雨多風。夏雨平田。秋雨如玉。冬雨連綿。

戊子日立春。高鄉豐稔。水過岸一尺。別本云。水懸岸九寸。

春雨連梅。夏雨寸岸。秋風不厚。冬雪難期。

庚子日立春。低處熟。高鄉不熟。水懸岸七寸。別本。懸岸七寸。

春雨來遲。夏雨過時。秋雨平岸。冬雨成池。

壬子日立春。高低熟。水平岸。

春雨出鼠。夏雨漸來。秋雨無定。冬雨雪災。

乙丑日立春。低處稔熟。水懸岸一尺一寸。

春雨雖勻。夏雨無晴。秋雨如金。冬雨沉沉。

丁丑日立春。低鄉熟。高鄉豆好。水懸岸四尺。
春雨不息。夏雨均勻。秋雨懸望。多有乾風。
己丑日立春。低鄉熟。水懸岸四尺五寸。

春雨風雹。夏雨遲遲。秋雨隔日。冬雨無期。
辛丑日立春。高低豐稔。水主平岸。

春雨生虫。夏雨少稀。秋雨霖滴。冬雨風濃。
癸丑日立春。高低皆熟。水主平岸。

春雨連夏。夏雨多風。秋天晴。冬雨三春。
丙寅日立春。高低豐稔。水懸岸五寸。

春雨晴陰。夏雨平傾。秋雨微微。冬雨連春。
戊寅日立春。低田豐稔。水懸岸四尺。

春雨雪風。夏雨田乾。秋雨夏疾。冬雨懸懸。
庚寅日立春。高低熟。水懸一尺三寸。

春雨風惡。夏雨雪雹。秋雨如春。冬又雨惡。

壬寅日立春。高低豐稔。水平岸。

春雨到岸。夏雨相倍。秋水浩瀚。冬雪不時。

甲寅日立春。低處豐稔。水懸岸六尺。

春雨多顛。夏雨乾田。秋雨滴瀝。冬雨高天。

丁卯日立春。高低熟。水懸岸五寸。別本云。水懸岸四尺五寸。

春雨多風。夏雨無踪。秋雨晴復。冬雨高空。

己卯日立春。低鄉大熟。高處不熟。水懸岸八尺。別本云。水懸岸一尺。

春雨如金。夏雨高天。秋雨苗損。冬雪滔滔。

辛卯日立春。高鄉熟。水過岸二寸。

春雨連連。夏雨平田。秋雨傷時。冬旱可憐。

癸卯日立春。高處豐稔。水過岸一尺。別本云。水懸岸一尺。

春雨無限。夏雨低飛。秋雨無限。冬雨難期。

乙卯日立春。低處豐稔。水平岸。別本。懸岸一尺。

春風多雪。夏雨連連。秋稔霖霖。冬雨雪傾。

戊辰日立春。高低豐稔。水平。

春雨隔日。夏雨連綿。秋雨風雹。冬雨連連。

庚辰日立春。高低大熟。水懸岸九寸。

春雨滴瀝。夏雨平岸。秋田又多。雨水極濃。

壬辰日立春。高處好施工。水過岸一尺二寸。別本云。水懸岸一尺二寸。

春雨有風。夏雨流傾。秋雨黃梅。冬雨風惡。

甲辰日立春。高低豐稔。水平平。

春雨霖漓。夏雨相隨。秋雨不返。冬雨低微。

丙辰日立春。低鄉熟。水懸岸六尺。別本云。水懸岸七尺。

春雨如金。夏雨大作。秋雨風高。冬雨到年。

己巳日立春。低豐稔。高處旱。水懸岸四寸。別本云。水懸岸四尺。

春雨過岸。夏雨不多。秋雨多沒。冬雪雨多。

辛巳日立春。高處豐稔。水過岸六寸。別本云。水過岸六尺。

春雨調身。夏雨平傾。秋雨風作。冬雨沉沉。

癸巳日立春。高鄉好。水懸岸一尺。

春雨均勻。夏雨低岸。秋雨高天。冬雨微暖。

乙巳日立春。高鄉大熟。水平岸。別本。懸岸五尺。

春雨不時。夏雨平池。秋雨湛溥。冬雪前知。

丁巳日立春。低鄉豐稔。水懸岸五尺。

春雨不落。夏雨無多。秋雨無滴。冬雨生波。

庚午日立春。高處豐稔。水懸岸二寸。

春雨平岸。夏雨傷苗。秋雨少吉。冬雨濃霜。

壬午日立春。高低盡熟。水懸岸五寸。

春雨無數。夏雨傷田。秋風多雨。冬雪無形。

甲午日立春。高低豐稔。水平岸。

春雨雪落。夏雨連梅。秋風小雨。冬雨雪疫。

丙午日立春。低田大熟。水懸岸三尺五寸。

春雨人疫。夏雨微微。秋雨淋淋。冬雪難積。

戊午日立春。低處得熱。水懸岸五尺。

春雨不多。夏雨平池。秋雨相連。冬雪寒多。

辛未日立春。高鄉少熱。水懸岸一尺三寸。

春雨不至。夏雨顛風。秋雨過岸。冬雨懸懸。

癸未日立春。高低豐稔。水懸岸三寸。

春雨累日。夏雨平陸。秋雨多疾。冬雪連春。

乙未日立春。低鄉豐稔。水懸岸一尺五寸。別本云。水懸四寸。

春雨調勻。夏雨損霖。秋雨雪雹。冬雨如秋。

丁未日立春。高下大熱。水平岸。

春雨多病。夏雨浪滴。秋雨如梅。冬雨雪疫。

己未日立春。高低得熱。水懸岸五寸。

春雨迢遙。夏雨連秋。秋雨微少。冬雨雪少。

壬申日立春。高鄉大熱。水懸岸五寸。

春雨均勻。夏雨過田。秋雨暗傷。冬雨高天。

甲申日立春。高鄉豐稔。水平岸。

春雨多。夏雨平。田秋雨平。岸冬雨乾寒。

丙申日立春。低處得熟。水懸岸四尺。

春雨微微。夏雨風西。秋雨難保。冬雹雪雷。

戊申日立春。高低豐稔。水平岸。

春雨調霖。夏雨過梅。秋雨風水。冬雪成堆。

庚申日立春。低處熟。水懸岸四尺。別本云。水懸岸五尺。

春雨中少。夏雨平流。秋雨微微。冬雨風急。

癸酉日立春。高低豐稔。水平岸。

春雨多。雷夏雨平。岸秋雨透。岸冬雨高天。

乙酉日立春。低處熟。水懸岸四尺。

春雨無風。夏雨天陰。秋雨平。田冬雨不息。

丁酉日立春。高低盡熟。水平岸。病多死人。別本。懸岸二尺。

春雨全無。夏雨過連。秋雨風惡。冬雨少微。

己酉日立春。高低大熟。水平岸。

春風無風。夏雨到梅。秋雨淋漓。冬雨依依。

辛酉日立春。低處得熟。水懸岸二尺。

春晴少雨。夏雨調澤。秋雨平傾。冬雨雪多。

甲戌日立春。低處豐熟。水懸岸五尺。

春雨高天。夏雨懸懸。秋雨蟲損。冬積雪圓。

戊戌日立春。高低大熟。水懸岸一尺。

春雨應時。夏雨高危。秋雨風惡。冬雨雪稀。

庚戌日立春。高低盡熟。水過岸一尺。別本云。水過岸四尺。

春雨不風。夏雨濛濛。秋雨沾潤。冬雨無踪。

壬戌日立春。高鄉豐稔。水過岸。別本作平岸。

春雨不時。夏雨平田。秋雨不降。冬雨多連。

乙亥日立春。高鄉熟。水過岸一尺。

春雨連夏。夏雨連秋。秋雨播岸。冬雨災憂。

丁亥日立春。高鄉熟。水過岸一尺。別本云。一作水平岸。
春雨時作。夏雨風雹。秋雨連綿。冬雨泡凍。

己亥日立春。高處豐稔。水平岸。

春雨人疾。夏雨淋淋。秋雨依依。冬雨雪雹。

辛亥日立春。高鄉豐稔。低處渰沒。水平岸。

春雨低微。夏雨過池。秋雨雪雹。冬雪些兒。

癸亥日立春。高低豐熟。水懸岸一尺。

春雨均勻。夏雨低田。秋雨漸漸。冬煖高天。

乙 巳 占
(一)

李 淳 風 撰

乙巳占

本館據十萬卷樓
叢書本排印初編
各叢書僅有此本

重刻乙巳占序

乙巳占十卷。唐李淳風撰。新唐書藝文志著於錄。作十二卷。陳直齋書錄解題、馬貴與文獻通考、王伯厚玉海皆作十卷。與今本合。每卷約萬餘言。惟第十卷幾及三萬言。或後人合三卷爲一卷。故與唐志不符。未可知也。乾隆中採訪遺書。未經儲藏家進呈。阮文達亦未之見。朱竹垞所見祇殘本七卷。惟敏求記有全書。其書之罕見可知矣。余所藏爲門人鈔本。得之金匱蔡氏。卷三卷六後有題名三行。一曰太史局直長、主管刻漏、臣成衍書。一曰太史局中官正、太史局提點曆書、賜緋魚袋、臣李維宗校。寧海軍承宣使、提舉佑神觀、博陵郡開國公、食邑二千二百戶、食實封二百戶、提舉臣邵諤。攷玉海建炎三年三月二日詔紀元曆經等書送太史局中。載乙巳占計十冊。今本十卷。又有太史局諸人題名。或卽從建炎本傳鈔歟。上元乙巳之歲十一月甲子朔冬至夜半日月如合璧五星如連珠。故以爲名。其書雜采黃帝巫咸甘氏石氏鄒萌韓楊祖暉孫僧化劉表天鏡白虎海中列宿五官諸占及劉向洪範張衡靈憲五經圖緯參以經傳排比成書。始於天象終於風氣。凡分一百篇。今缺辨惑一篇。餘皆完具。唐人遺籍傳世日稀。亟爲讎校付之手民。其有譌脫概從缺疑。夫災異占候之說原不足憑。然易言天垂象見吉凶。周禮保章氏以日月星辰五雲十二風辨吉凶。祲祥豐荒其所由來者久矣。淳風雖以方技名。修德篇屢引經傳以改過遷善爲戒。司天篇深箸隋氏之失。諄諄於納諫遠佞。不失爲儒者之言。非後世術士所能及也。玉海引書目

乙巳占序

序云、五十卷。今合爲十卷。今序云、合爲十卷。與玉海不符。蓋合併後人所妄改耳。
光緒三年歲在彊圉赤奮若仲秋之月歸安陸心源敍。